

第一卷

熙朝新語

道光丙戌夏鑄

熙朝新語

經國堂藏板

余自少至老以衣食奔走嘗七上京
師側聞名公卿緒論仰見
國家聲明文物之盛上自

朝章掌故下逮嘉頌謹謠揚厲無前
新奇可喜日有所聞難以悉數每擬
筆之於書徃徃記憶不真歲乙亥自

滇南歸里道出武昌於市肆中得歛
人余德水所輯

熙朝新語一書展卷讀之與余曩時
傳聞異辭俱足互相印證其書多采
諸前人著述中無一臆撰訛傳之語
且又旁蒐軼事發潛闡幽凡登臨耳

目所經卷議街談所及自

國初至今二百年来有關於政事文
章人心風俗者靡不具載亟令生徒
鈔錄成帙略加編次釐為十六卷付
諸梓以公同好書名撰人俱從其舊
示不敢掠美也我

朝重熙累洽久道化成自今億萬斯
年詞林佳話藝苑名言日積月累不
可祗麗續輯之作以俟將來

嘉慶戊寅春三月吳郡守鉅老人翁
子敬履莊氏書

熙朝新語卷一

古歙 余金 德水 輯

盛京長白山爲我

朝發祥之地高二百餘里緜亘千里山上有潭曰闕
門周八十里鴨綠混同愛渟三江出焉明中葉有望
氣者言其地將生聖人統一諸國山之東有布庫里
山山下有池曰布爾湖里相傳有天女名佛庫倫浴
於池浴竟有神鵲銜朱果置衣上女吞之遂有身尋
產一男生而能言體貌奇異及長母告之故且命之

曰天生汝以定亂國其以愛新覺羅爲姓語畢母凌
空去子乘小舸順流至河步登岸折柳及野蒿爲坐
具端趺其上適其地有三姓構兵不解有取水者奇
其貌歸告眾走問所來具以實告眾驚曰天生聖人
也昇歸奉爲主居長白山東俄漠惠之野俄朶里城
國號滿洲十數傳至

太祖高皇帝英明神武滅哈達輝發烏喇葉赫諸國
開拓疆土建元天命再傳至

世祖章皇帝拯民水火統一天下我

國家億萬年無疆之福肇基於此考諸往古元鳥降祥姜嫄履武後先同揆信有真也

范文肅公文程爲

本朝開國元勳文臣第一人天命二年文程見

太祖高皇帝於撫順偉其貌詢知家世謂諸貝勒曰此名臣後也天聰三年從征有功時官文館尙未有大學士職銜而文肅所領皆樞密事崇德元年改六館爲內三院授秘書院大學士每議大政必資等畫八年撥隸正黃旂是歲

世祖章皇帝卽位明年爲順治元年四月闖賊陷明
北京明山海關總兵吳三桂來乞師遂

召文肅於湯泉決策進兵時抱病力疾趨

朝建議曰自闖賊猖狂中原塗炭近且傾覆京師戕
厥君后此必討之賊也雖擁眾百萬橫行無憚揆其
敗道有三逼殞其主天怒矣刑辱縉紳拷劫財貨士
忿矣掠民貲淫人婦火人廬舍民恨矣備此三敗行
之以驕可以一戰破也我

國家上下同心兵甲選練誠聲罪以臨之恤其士夫

拯厥黎庶兵以義動何功不成復言好生者天之德也兵者聖人不得已而用之自古未有嗜殺而得天下者

國家欲統一區夏非以安百姓不可於是大軍遂發扶病隨征申嚴紀律妄殺者有罪二十二日敗流賊兵二十萬於山海關我兵長驅而西民多逃匿爲草檄宣諭言義兵之來爲爾等復君父仇非殺百姓也今所誅者惟闖賊官來歸者復其官民來歸者復其業必不汝害民心遂安師入燕京文肅建議首先爲

明帝發喪易梓宮備儀衛文肅親紀其事

國初有內三院一國史院二秘書院三宏文院各設大學士一員學士一員順治十五年九月改內三院爲殿閣一中和殿二保和殿三文華殿四武英殿五文淵閣六內閣十六年初以覺羅巴納哈爲中和殿大學士額色赫爲保和殿大學士蔣赫德爲文華殿大學士洪承疇爲武英殿大學士文淵內閣未補人裁三院學士官另設翰林院掌院學士一員以折庫納爲之十八年七月復改殿閣爲內三院康熙九年

復改內三院爲殿閣復設翰林院

天聰八年四月

太宗文皇帝命禮部考取通滿洲蒙古漢書文義者爲舉人取中滿洲習滿書者剛林敦多惠滿洲習漢書者察不害恩國泰漢人習滿書者宜成格漢人習漢書者齊國儒朱燦然羅綉錦梁正大雷興馬國柱金柱王來用蒙古習蒙古書者俄博特石岱蘇魯木共十六人俱賜爲舉人并

賜衣一襲免四丁宴於禮部崇德三年八月

賜新中式舉人羅碩常鼎胡邱阿濟格畢禮克圖王文奎蘇宏祖楊方興曹京張大任于變龍等十名朝衣各一領授半箇牛象章京品級免四丁六年七月賜新中式舉人滿洲鄂貌圖赫德蒙古杜當漢人崔光前卅三元章于天卅爲鳳緞朝衣各一領是時取士之額雖少名臣多出其中

太宗文皇帝用范文程議特選士於盛京沈文奎登第一名字清遠浙江會稽人世居曹娥村客遊遵化

大兵破城挈之行受知登第充秘書院纂修官順治
元年扈從入關累官至兵部尙書人皆知

本朝開科進士第一人爲傳以漸不知實自沈文奎
始也

順治三年丙戌科狀元傅以漸山東聊城人授修撰
官至大學士榜眼呂纘祖直隸滄州人授編修官至
侍講學士探花李顥棠順天大興人授編修官至侍
郎是科會試首題百姓足君孰與不足百姓不足君
孰與足次題見而民莫不敬言而民莫不信行而民

莫不說三題王道之始也會元卽李夷崇三藝渾穆
蔚然開國氣象二甲七十七人三甲二百九十三人
國初諸大老皆出此科大學士四人傳以漸李蔚魏
裔介馮溥尙書八人沙澄高景傳維鱗冀如錫朱之
弼艾元徵魏象樞劉捷督撫三人袁懋功朱之錫林
起龍左都御史一人劉鴻儒侍郎十五人李夷崇石
闕張爾素陳協王天眷胡兆龍梁清寬梁清遠田六
善楊時薦于嗣登朱裴李棠馥楊運昌王度左副都
御史一人董篤行右副都御史一人張汧通政使一

人晉淑軾劉士蘭大理卿一人王景祚內院學士一人夏敷九

宛平王文靖公熙順治四年進士時年甫二十改庶吉士習滿書拔前列

世祖召見宏文院命以滿語奏對大加褒賞尋陞國子監司業累官至大學士

先時廷對策俱用四六順治己丑科

世祖臨軒策士命不用四六舊套劉子壯對策稱旨親定一甲一名與榜眼熊伯龍齊名熊典試浙江